



Bosna i Hercegovina  
Federacija Bosne i Hercegovine  
UNSKO - SANSKI KANTON

**JU DIREKCIJA REGIONALNIH CESTA USK BIHAĆ**

Broj: 01-23-167-15/25  
Datum: 09.04.2025. godine

Na osnovu odredbe člana 70. Zakona o javnim nabavkama BiH (Sl. Glasnik BiH 39/14, 59/22, 50/24 ), člana 8. stav (2) tačka c) i d) Pravilnika o uspostavljanju i radu Komisije za nabavke ("Sl. glasnik BiH", broj: 103/14, 49/23), te na osnovu člana 18. stav 8) Pravilnika o javnim nabavkama JU Direkcija regionalnih cesta USK Bihać broj: 01/NO-05-105-2/23 od 22.06.2023. godine i broj 01/NO-05-130-4/23 od 29.11.2024. godine, te na osnovu Zapisnika o pregledu i ocjeni ponuda broj: 01-23-167-14/25 od 07.04.2025.godine, Ugovorni organ JU Direkcija regionalnih cesta USK Bihać donosi:

**ODLUKU**

**o dodjeli ugovora za javnu nabavku roba  
"Vage za mjerenje osovinskog opterećenja"**

**I**

Prihvata se preporuka Komisije za javnu nabavku roba "Vage za mjerenje osovinskog opterećenja", te se ugovor dodjeljuje:

**Vage BH d.o.o. Tuzla sa cijenom od 84.612,60 KM bez PDV-a,  
odnosno 98.996,74 KM sa PDV-om**

**II**

Ugovor o nabavci roba iz tačke I ove Odluke, zaključuje se nakon proteka roka od 15 dana od dana dostavljanja Odluke svim ponuđačima. Obavezuje se ponuđač koji je proglašen kao najpovoljniji da u roku od 5 dana od dana prijema Odluke, dostavi dokumentaciju shodno **izjavi (aneks 4) i tenderskoj dokumentaciji**. Ukoliko izabrani ponuđač ne dostavi navedenu dokumentaciju postupak javne nabavke roba će se poništiti.

**III**

Istovremeno sa dostavljanjem Odluke ponuđaču ista će se objaviti na web stranici Ugovornog organa [www.cesteuskb.com](http://www.cesteuskb.com)

**IV**

Odluka stupa na snagu danom donošenja.

**Obrazloženje**

Postupak javne nabavke roba "Vage za mjerenje osovinskog opterećenja", pokrenut je Odlukom o pokretanju postupka nabavke roba broj: 01-23-167-2/25 od 05.02.2025.godine.

Komisija za provođenje ovog postupka, imenovana Rješenjem broj: 01-23-167-3/25 od 05.02.2025.godine, pristupila je provođenju postupka javne nabavke, odnosno pregledu i ocjeni pristiglih ponuda. Javna nabavka je provedena putem otvorenog postupka.

Javna nabavka je objavljena na portalu javnih nabavki E-nabavke brojem obavještenja: 213-1-1-25-3-19/25.

Krajnji rok dostavljanja ponuda određen je za dan 03.04.2025.godine u 12:00 sati  
Dan otvaranja ponuda određen je za dan 03.04.2025.godine u 12:30 sati.

Do datuma određenog kao krajnji rok za prijem ponuda pristigle su sledeće ponude:

| R/b | Broj protokola | Naziv / Ime ponuđača (šifra) | Ukupna cijena ponude (bez PDV-a) |
|-----|----------------|------------------------------|----------------------------------|
| 1.  | 01-23-167-8/25 | DMV d.o.o. Bijeljina         | 85.470,09 KM                     |
| 2.  | 01-23-167-9/25 | VAGE BH d.o.o. Tuzla         | 84.612,60 KM                     |

Komisija je pristupila pregledu i ocjeni ponuda 03.04.2025. godine, te sačinila Zapisnik o pregledu i ocjeni ponuda broj: 01-23-167-14/25 od 07.04.2025.godine koji se dostavlja svim učesnicima u postupku.

Nakon pregleda i ocjene ponuda, komisija je zauzela slijedeći stav:

Ponude su prihvatljive u smislu da su dostavljene blagovremeno, spakovane u skladu sa zahtjevima navedenim u TD, u istoj koverti dostavljena i kopija ponude.

Obzirom na postavljene zahtjeve iz tenderske dokumentacije, ponuda ponuđača Vage BH d.o.o. Tuzla ispunjava zahtjeve iz tenderske dokumentacije.

Ponuda ponuđača DMV d.o.o. Bijeljina nije prihvatljiva za Ugovorni organ iz razloga što ista ne ispunjava zahtjeve iz tenderske dokumentacije odnosno tražene tehničke specifikacije a kako je traženo u Aneksu 3.1. tenderske dokumentacije a gdje je određeno:

- **Napajanje:** Ugrađen punjivi izvor napajanja do 180 sati rada; Punjenje i (rad) preko automobilskeg akumulatora 12V i adaptera za 230 V.

**Obrazloženje:** Vage za kontrolu osovinskog opterećenja će se koristiti na terenu koji je udaljen i više od 100 km od sjedišta Direkcije. Potreba za kontrolom osovinskog opterećenja je kontinuirana, u više uzastopnih dana i u više smjena. Iz tog razloga traženo je da posjeduju punjivi izvor napajanja do 180 sati rada te punjenje i rad i preko automobilskeg napajanja. Ponuđač „DMV“ d.o.o. Bijeljina je u izjavi o odstupanju od tehničke dokumentacije naveo da ponuda odstupa u dijelu **Napajanje** u smislu da je ugrađen punjivi izvor napajanja do 48 sati neprekidnog rada i da nema mogućnost napajanja preko adaptera za upaljač automobila. **U tom smislu ponuda za navedene vage je neprihvatljiva.**

- **Temperaturni opseg rada -20....+60° C**

**Obrazloženje:** Vage za kontrolu osovinskog opterećenja koriste će se za kontrolu osovinskih opterećenja i ukupne mase vozila na cestama, ali i na našim gradilištima za vaganje kamiona koji prevoze asfalt. Iste se koriste u svim vremenskim uvjetima i godišnjim dobima gdje temperatura na asfaltu može biti ispod 10° C (tijekom zime) i preko 40° C (tijekom ljeta). Ponuđač „DMV“ d.o.o. Bijeljina je u izjavi o odstupanju od tehničke dokumentacije naveo da ponuda odstupa u dijelu **Temperaturni opseg rada -20....+60° C** i da je temperaturni opseg rada ponuđenih vaga -10° C + 40° C. **U tom smislu ponuda za navedene vage je neprihvatljiva.**

Aneksom 3. tražen je **tepih za izravnavanje kotača dužine 3800 mm** iz razloga lake manipulacije vagama zbog potrebe da se u istom danu vage prenose na više mjesta. Ponuđač „DMV“ d.o.o. Bijeljina je dao ponudu aluminijskog tepiha za izravnavanje točkova visine 59 mm, koji je potpuno neprikladan za naše korištenje vage.

Shodno navedeno, ponuda ne ispunjava zahtjeve iz tenderske dokumentacije odnosno tražene tehničke specifikacije kako je traženo u Aneksu 3.1. tenderske dokumentacije, te se u skladu sa članom 68. stav (4) tačka i) Zakona o javnim nabavkama BiH i tačkom 5. tenderske dokumentacije odbacuje kao nepravilna ponuda.

Obzirom da su pristigle dvije ponude od kojih je jedna prihvatljiva ponuda za Ugovorni organ, te u skladu sa članom 4. stav (2) Pravilnika o uslovima i načinu korištenja e-aukcije ("Sl. glasnik BiH", broj 80/23) i tačke

XVI. TD, e-Aukcija se ne zakazuje te se postupak okončava u skladu sa članom 69. Zakona o javnim nabavkama BiH.

Nakon provedenog postupka, i s obzirom na to da je dostavljena jedna prihvatljiva ponuda niža od procijenjene vrijednosti ugovornog organa (planska vrijednosti iznosi 85.470,09 KM bez PDV-a), te shodno kriteriju "najniža cijena" tehnički zadovoljavajuće ponude postavljenog u tački VI. tenderske dokumentacije, Komisija je jednoglasno dala sljedeću preporuku Ugovornom Organu:

*Da donese Odluku o dodjeli ugovora u skladu sa kriterijem najniža cijena tehnički ispravne ponude ponuđaču:*

**Vage BH d.o.o. Tuzla sa cijenom od 84.612,60 KM bez PDV-a,  
odnosno 98.996,74 KM sa PDV-om**

Imajući u vidu da je Komisija pravilno i blagovremeno provela otvaranje ponuda, te pregled i ocjenu ponuda, Ugovorni organ je odlučio kao u ovoj Odluci.

**Pouka o pravnom lijeku:**

Ponuđač koji je učestvovao u postupku javne nabavke može izjaviti žalbu u roku od 10 (deset) dana od dana prijema Odluke shodno članu 101. ZJN BIH.

Akt obradio: Adnan Hota

Rukovodilac Sektora: Senad Dizdarić



**DIREKTOR**

Hadis Jusić

**Dostavljeno:**

- DMV d.o.o. Bijeljina, ul. Industrijska zona 2 br.7, 76300 Bijeljina (e-mail: [info@dmv-bn.com](mailto:info@dmv-bn.com); [cvjekoslav@gmail.com](mailto:cvjekoslav@gmail.com))
- Vage BH d.o.o. Tuzla, ul. Drage Karamana bb, 75000 Tuzla (e-mail: [info@vagebh.com](mailto:info@vagebh.com))
- Web stranica [www.cesteusk.com](http://www.cesteusk.com)
- a/a